

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Urkunden und Akten der Stadt Strassburg

Politische Urkunden von 1332 bis 1380

Witte, Hans

Straßburg, 1895

1354 - 1365

[urn:nbn:de:bsz:31-326748](https://nbn-resolving.org/urn:nbn:de:bsz:31-326748)

zwein stelden, móhten danne die selben zwo stetde daz under in selber nit gerihten, so sollent sie daz bringen für den rat zû Strazburg; und wie ez ouch der selbe rat oder daz merreteil under in uzrihtent uf den eit, do mit sol den stelden ouch begnúgen. Und sol ouch der rat, für den daz braht wirt, daz uzrihten unverzogenlichen ane alle geverde. Und sol doch ie die stat in iren rehten, friheiten und gewonheiten verliben, und sollent in dar an die vorgeschriben artikele nit schaden. [27] Dise vorgeschriben verbintnisse globen wir uf die eyde, die wir in ieglicher der vorgenanten stetde dar umbe gesworn und getan habent, getruwelichen stete und veste zû haltenne. Und wanne ein rat abeget under uns den vorgenanten drin stelden, daz ie der alte rat dem nuwen rate in den eyt sol geben, dise verbuntnisse und disen brief stete und veste zû haltenne untz zû dem vorgenanten zil ane alle geverde. Aller dirre vorgeschriben dinge zû eime waren urkunde, daz sie von uns egenanten drin stelden stete und veste gehalten werden, so han wir unser drier stetde ingesigele an disen brief gehencket. Geben zû Wissenburg nach Crists gebúrte drúzehen hundert jare in dem funf und sehtzigesten jar an dem dünrestage nach dem sunnentage so man singet Cantate nach ostern.

Str. St. A. G. U. P. Iad. 44/45. or. mb. c. 3 sig. pend. del.

Gedr. Lünig RA. XIII, 24. Lehmann Speyer. Chron. 716. Dumont II^a, 50. Wormser UB. II, 386. — Reg. Scriba 3169. Huber reg. Reichss. nr. 420.

634. Bischof Johann [II]¹ an meister und rat: bittet Henselin Schultheissen von Mollesheim ziel zu geben bis unser frauen tag der erren, «wanne wir wol bekennent, daz es uwerren burgern nützlich ist und wol kummet, daz er und sù do zwüschent lieplich übertragen und geriht werdent. Datum Olswilr nostre diocesis feria tertia ante festum ascensionis domini. [1354—1365 Mai 20] Orschweiler.

Str. St. A. AA 1401 nr. 30. or. ch. lit. cl. c. sig. in v. impr. laes

635. *Entwurf eines dreijährigen Bündnisses zwischen Mainz, Worms, Speyer, Straßburg, Basel, Freiburg u. a. Städten des Oberrheins und der Schweiz.*

[1365 zwischen Mai 18 und 25.]

In gottes nammen amen. Wir die rete und die burgere gemeinliche der stette Mentze, Worms, Spire, Strazburg, Basel, Friburg, Brisach, Nuwemburg, Zürich, Berne, Solottern und von Lutzerne tûnt kunt allen den, die disen brief sehent oder hörent lesen, daz wir durch nutz und friden unser, unserre burger und lûte gemeinliche und dez landes uns zûsammen hant gemâht und gebunden mit dem eyde, den wir dar umbe getân hant, enander getruweliche zû râtende und zû helffende hinnant untze wihennahten zû nehste und dannanthin über drú jare die nehsten nach enander ân underlas zû allen den kriegem, wo oder in welhen weg uns die

1368
Dec. 25.

¹ Nach dem Siegel.